



Masfjorden kommune

Møtebok for Valstyret

Møtedato: 18.03.2014
Møtestad: Kommunestyresalen
Møtetid: 11:00

Frå administrasjonen møtte: Rådmann Svein Helge Hofslundsengen, ass. rådmann Sveinung Toft, konsulent Gerd Allis Håheim og konsulent Maud Slerie Holmaas som førte møteboka.

Møtedeltakarar	Parti	Rolle
Ragnvald Tangedal	AP	Varamedlem
Karstein Totland, ordførar	H	Utvalsleiar
Lene Hansen Kvamsdal	H	Medlem
Marit Steinestø	Krf	Nestleiar
Egil Kvingedal	V	Medlem

Forfall meldt frå følgjande medl.	Parti
Arthur Reidar Sjursen	AP

Sakliste

Saknr	Tittel
01/2014	Godkjenning av innkalling og sakliste
02/2014	Evaluering av stortingsvalet 2013
03/2014	Endring av tal røystekrinsar i Masfjorden kommune

Sakspapir

Saksbehandlar	Arkiv	ArkivsakID
Gerd Allis Håheim	TI - &17	14/368

Saknr	Utval	Type	Dato
01/2014	Valstyret	PS	18.03.2014

Godkjenning av innkalling og sakliste

Framlegg til vedtak:

Innkalling og sakliste vert godkjend

Saksopplysningar:

Valstyret - 01/2014

VS - behandling:

Framlegg til vedtak vart samrøystes vedteke

VS - vedtak:

Innkalling og sakliste vert godkjend

Sakspapir

Saksbehandlar	Arkiv	ArkivsakID
Gerd Allis Håheim	FE - 010	14/325

Saknr	Utval	Type	Dato
02/2014	Valstyret	PS	18.03.2014

Evaluering av stortingsvalet 2013

Framlegg til vedtak:

Valstyret tek evaluering av Stortingsvalet 2013 til vitring.

Saksopplysningar:

Bakgrunn

Vurdering

Den 9. september 2013 var det stortingsval.

Valet gjekk bra og i Masfjorden var det god valdeltaking med over 82 % av dei røysteføre.

Det syner at organiseringa me hadde med førehandsrøysting og opningstider på valdagen har fungert veldig bra.

Me som har jobba mest med valet er stolte over at alt gjekk så fint.

Kommunane hadde i år fått opplæring i det nye valadministrative datasystemet EVA som Kommunaldepartementet har utvikla og er ansvarleg for.

Ved kvart nytt val er det alltid lovendingar og nye reglar som må følgjast.

Viktigaste endringane i år var:

- Førehandsrøystene skulle stemplast, og rett i urne
- Lova seier at det skal vera to personar som tek imot førehandsrøyster

Pga av at det skulle vera to valfunksjonærar til å ta i mot førehandsrøyster måtte me organisera dette på ein annan måte enn ved tidlegare val.

Ved tidlegare val har me hatt førehandsrøysting på skulane kvar dag i perioden førehandsrøystinga skulle vera frå 09.00 til 15.00.

Pga av lovendring om at det **skal** vera to personar til stades for å ta mot førehandsrøyster, kunne ikkje skulane klara å stilla med ressursar til dette kvar dag i nesten ein månad som førehandsrøystinga varer. Me prøvde då å finna ei anna løysing på dette og kom då fram til denne løysinga:

Me hadde førehandsrøysting ein dag på Nordbygda skule og ein dag på Matre skule den dagen biblioteket hadde langope til 19.00. Underteikna og Mona H. Daae tok seg då av dette.

Det var ganske mange som nytta seg av tilbodet som var godt motteke. (godt kunngjort på førehand)

På kommunehuset hadde me førehandsrøysting kvar dag heilt fram til og med fredag før valdagen.

I tillegg hadde me ein fredag med ope til 19.30 på kommunehuset. På fredagen med langope var det ganske få som kom og ville røysta, men tilbodet var der.

På sjukeheimen hadde me førehandsrøysting ein laurdag i 4 timar der alle som ville kunne førehandsrøysta.

Det var mange som nytta seg av det tilbodet.

Førehandsrøystinga var godt kunngjort både i avisa, på heimesida og plakatar rundt på butikkane.

Valfunksjonærar.

Ved dei siste vala har me alltid vore berre to personar i administrasjonen som har gått på valkurs og har hatt det fulle ansvar for valet.

Dette er svært sårbart. Me såg det i fjor då underteikna vart sjuk og var sjukemeldt i 14. dag.

Det gjekk bra, men me ser at for ettertida må det vera tre personar som går på alle kursa som departementet arrangerer i høvet valet, slik at det ikkje blir så sårbart. Pga av kravet om at to personar skal vera tilstades ved førehandsrøysting er det og viktig et det er fleire som får opplæring.

Ved kommuneval er det og mykje meir arbeid både før valet og for ikkje å snakka om etterarbeidet.

Valdagen.

Masfjorden har no 5 røystekrinsar.

Masfjordnes, Kvingo, Hosteland, Haugsvær og Matre.

Røyststyra har 3 medlemer og 2 varamedlemer.

På Hosteland som er største krinsen, hadde dei 4 medlemmer.

Opningstida har i mange år vore frå 11.00 til 18.00 og det har ikkje kome tilbakemeldingar om at det er for kort opningstid.

Me har ikkje fått negative tilbakemeldingar frå dei som sat i røystetyra. Alt fungerte som det skulle og valet kom vel i hamn.

I Kvinge og Haugsvær røystekrinsar er vallokalet i gamle grendahus der kravet om universelt tilgjenge ikkje heldt mål. Frå neste val som er kommunevalet i 2014 vil det sannsynlegvis bli elektronisk avkryssing i manntalet på røystedagen. Det vil sei at ein må ha internett-tilgang i vallokala.

Valstyret må ta stilling til om me skal redusera tal røystekrinsar i kommunen til tre.

Reduksjon av røystekrinsar kjem i eiga sak.

Konklusjon

Sjå framlegg til vedtak

Valstyret - 02/2014

VS - behandling:

Gerd Allis Håheim orienterte om saka.

Saka vart drøfta.

Framlegg til vedtak vart samrøystes vedteke.

VS - vedtak:

Valstyret tek evaluering av Stortingsvalet 2013 til vitring.

Sakspapir

Saksbehandlar	Arkiv	ArkivsakID
Gerd Allis Håheim	FE - 010, HistSak - 14/22	14/373

Saknr	Utval	Type	Dato
03/2014	Valstyret	PS	18.03.2014
	Kommunestyret	PS	

Endring av tal røystekrinsar i Masfjorden kommune

Framlegg til vedtak:

Røystestader i Masfjorden kommune frå og med kommunestyrevalet i 2015 vert slik: Hosteland røystekrins, Masfjordnes røystekrins og Matre røystekrins.

Saksopplysningar:

Bakgrunn

I Masfjorden kommune hadde me i mange år åtte røystekrinsar. På Sørsida var det Masfjordnes, Andvik og Kvingo. På Nordsida var det Hosteland og Risnes. I Indrefjorden var det Solheim, Haugsvær og Matre.

I 2002 gjorde valstyret vedtak om å endra tal røystekrinsar frå åtte til fem. Det var då sett opp to alternative forslag. Det eine alternativet var å redusera til tre røystekrinsar, ein i kvar del av kommunen. Det andre alternativet var fem røystekrinsar. Ein på Hosteland, to i Indrefjorden og to på Sørsida.

Valstyret vedtok då alternativet med fem røystekrinsar med tre mot to røyster. Ein sto då att med Haugsvær og Matre røystekrins i Indrefjorden, Hosteland røystekrins på Nordsida og Masfjordnes og Kvinge røystekrins på Sørsida. Det har ikkje vore gjorde endring sidan dette vedtaket vart gjort.

Fakta

I Masfjorden har men no fem røystekrinsar, to i Indrefjorden, to på Sørsida og ein på Nordsida. Hosteland er den største røystekrinsen og det går fint. Valdeltakinga er like stor der som i dei mindre krinsane.

Vurdering

Det var allereie i 2002 ting som tala for at det ville vera nok med ein røystekrins i kvar del av kommunen. Noko av argumentasjonen i valstyret då gjekk på at eldre ville få lengre veg til røystelokale og at valdeltakinga ville gå ned.

Det er fleire ting som talar for at det bør vurderast å redusera tal røystekrinsar til tre i Masfjorden. Universelt tilgjenge er noko dei fleste no kjenner til. Sosial og helsedirektoratet har gjeve ut ein vegleiar om tilgjengelegheit til røystelokale. Eit røystelokale skal vera slik at alle grupper av veljarar uansett funksjonshemming kan kome inn i vallokalet å utøva røysteretten sin.

Når det gjeld røystelokalet på Haugsvær og Kvingo så oppfyller ikkje desse lokala på langt nær krav om universelt tilgjenge. Å stetta dette kravet i dei to grendahusa vil bli svært kostnadskrevjande. Ein anna moment er at det sannsynlegvis frå neste kommunestyreval vil bli innført elektronisk avkryssing i manntalet på valdagen. Dette inneber at røystelokala må ha nettilgang. Det må og vera to linjer inn slik at ein har reservelinje. Det vil bli ein ganske stor kostnad om ein skal få lagt internettlinjer til til to grendahusa.

Økonomi

Kostnad i kroner og øre på få nettilgang til di to grendahusa har me ikkje, men det vil bli ein stor kostnad.

Konklusjon

Sjå framlegg til vedtak

Valstyret - 03/2014

VS - behandling:

Karstein Totland orienterte om saka.

Saka vart drøfta.

Framlegg til vedtak vart samrøystes vedteke og tilrådd til kommunestyret.

VS - vedtak:

Røystestader i Masfjorden kommune frå og med kommunestyrevalet i 2015 vert slik:

- **Hosteland røystekrins**
- **Masfjordnes røystekrins**
- **Matre røystekrins**

